

Fair Work Commission

مو محکمه بیطرف رابطای جای کار د استرالیا استه. مو کارگرا و صائب کارا ره کمک مونی که مشکلائی کاری ره حل کنن. ای شامل موشه د:



جنجالای حقوق کاری



تعصب



آزار و اذیت جنسی



قلدری



اخراج غیر منصفانه

مو همچنان:

فیصله مونی که کم از کم ماش ملی چقدر باشه

بلدی بازی کارگرا کمترین شرایط ره وضع مونی

توافقای شرکتی ره تأیید مونی

ارگانای راجستر شده ره تنظیم مونی، مثل اتحادیه و ارگانای صائب کار

وظیفه از مو ای استه که رابطه کاری آسو، منصفانه، و تغیر پذیر ره بلدی کارگرا و صائب کارا کمک کنی.


بلدی مالومات د باره پرداخت، رخصتی و دیگه حقوقا د ویبسایت Fair Work Ombudsman د ای www.fairwork.gov.au آدرس بورین.

حل کیدون مشکلات سر کار

وقتیکه شمو از مو میخوایین که یک مشکل سر کار ره حل کنی، شمو یک پروسه قانونی ره شروع مومین. شمو باید یک فورم ره پور کنین و مشکلات ره توضیح بیدین. د بخش 'Apply or Lodge' د ویبسایت از مو بورین. مو فورم از شمو ره قد دیگه نفر که شریک استه هم شریک مونی. و فورم ازوا قد از شمو شریک موشه. مو کوشش مونی که شمو ره کمک کنی که سر یک رای حل توافق کنین. اگه ای کار ندد، شمو میتنین که از مو بخوایین که نتیجه ره بلدی از شمو فیصله کنی. ای مثل ازیکه د یک جلسه محکمه باشی استه. فیصله از مو از نظر قانونی یک فیصله اجباری استه.

کمک د زیبون از خود شیم

شمو میتنین که از (Translating and Interpreting Service) یا (TIS) استفاده کیده بلدی ازمو زنگ بزنین. د شماره

131 450 زنگ بزنین.  ای یک خدمت مفت استه.

بلدی آپیریتر بوگین:

- زیبون خو - که اونا بیتنه شمو ره قد یک ترجمان روخ کنه
- نام از مو ره - Fair Work Commission (فیر وُرک کمیشن)
- شماره تیلفون از مو - 1300 799 675

مو همچنان بلدی شیم یک ترجمان گرفته میتنی اگه شمو میخوایین که د یک جلسه شرکت کنین یا د یک جلسه محکمه بورین.

مشوره مفت حقوقی

اگه شمو نیاز د کمک قد فیصله کیدو دیرین، مو یک خدمات مفت حقوقی بلدی کارگرا و بیزنیس های ریزه دیره. د ویبسایت از مو 'Workplace Advice Service' (خدمات مشوره سرکار) ره جستجو کین. ای خدمت میتنه که قد اخراج غیر منصفانه، تعصب، آزار و اذیت جنسی د سر کار کمک کنه.